

**Adami Tanneri E Societate Iesv, S. Theologiæ D. Et In  
Academia Ingolstad. Professoris, Theologiæ Scholasticæ  
Tomus ...**

Cum triplici Indice

De Fide, Spe, Charitate, Ivstitia, Religione, caeterisq[ue] virtutibus [et]  
vitijs: ac varijs hominum statibus. Secvndae Secvundae S. Thomae  
Aqvinatis Respondens

**Tanner, Adam**

**Ingolstadii, 1627**

Dubium I. Quid & quotuplex sit actus fidei; quid credere & quotuplex, &  
quomodo distinguitur credere Deo, credere Deum & credere in Deum.

---

[urn:nbn:de:hbz:466:1-72877](https://nbn-resolving.de/urn:nbn:de:hbz:466:1-72877)

94

Primum; et si S. Thomas tum hic q. 9. a. 2. in corp. tum in 1. 2. q. 6. a. 4. & 7. significare videatur, donum sapientia à dono scientiæ distinguiri, ex parte obiecti materialis, nempe quod per illud generatim perficiatur iudicium intellectus circa res diuinæ; per hoc iudicium circa res creatas seu humanas; quod etiam docet Gregorius de Valentia hic q. 8. punct. vnic. melius tamen & accommodatus ad mentem S. Thomæ hic q. 9. art. 2. responsione ad 3. & infra q. 45. art. 2. ad 3. distinguiri ex parte obiecti formalis seu medij; quod nimurum, et si utrumque donum perficiat intellectum ad rectum iudicium ferendum, mediante quodam peculiari instinctu Spiritus Sancti, de rebus credendis & agendis, id est tam diuinis, quam humanis, & creatis; attamen donum sapientiæ pro medio habeat causas altissimas adeoque diuinæ; scientiæ vero donum, pro medio habeat res creatas, ut etiam notauit Caietanus hie q. 9. a. 2.

95

Alterum est; S. Thomam præter mōrem in alijs virtutibus obseruatū, duo hæc dona Spiritus Sancti, Intellectus scilicet & Scientiæ, eidem virtuti fidei subiungere & annexare; cuius ipse rationem reddit quæst. 9. art. 1. ad 3. Cum enim sibi obiecisset, donum esse perfectius virtute; ac proxime unum donum sufficere ad perse-

ptionem unius virtutis: cum ergo virtuti fidei respondet donum intellectus, non respondere eidem donum scientiæ; nec appareat, inquit, cui alijs virtuti respondet: ad hoc respondet S. Thomas, dona esse perfectiora virtutib[us] moralib[us] & intellectualib[us], non virtutib[us] Theologicis; sed magis omnia dona ad perfectionem virtutum theologicarum ordinari velut ad finem: ideo non esse inconveniens, si diversa dona ad unam virtutem Theologiam ordinentur.

Hac vero est probabiliter dicantur, nihilominus tamen, quia quibusdam verius videtur, dona Spiritus Sancti ex suo genere esse perfectiora virtutibus etiam Theologicis, hoc ipso, quod ex altiori motu, speciali nimurum instinctu Spiritus Sancti procedunt, & potissimum ad actus præstantiores virtutum ordinantur; simul etiam quia iuxta distributionem sancti Thomæ, non seruatur debita proportio septenarij numeri virtutum & donorum, nec superest donum, quod virtuti temperantiæ respondet, ideo non improbabiliter dici potest, donum scientiæ non tam respondere fidei, quam virtuti temperantiæ, quatenus exhibet & moderatur affectum inordinatum rerum sensibiliū. Sed de qua re non est magnopere laborandum, Vide S. Thomam.

## Q V A E S T I O VII.

De actibus fidei, tum internis, tum externis; deque gratijs gratis datis fidem concernentibus.

S. Thomas 2. 2. q. 2. & 3.

**A**bsolutetur hec quæstio sex dubitationibus. I. Quid, & quotuplex sit actus fidei; quid credere, & quotuplex; & quomodo distinguitur credere Deo, credere Deum, & credere in Deum. II. Quæ, & quotuplex sit necessitas actus fidei; speciatim an & quid siue ex obiectis naturalibus siue supernaturalibus necessitate precepti credendum sit omnibus. III. An, & quid necessitate precepti credendum sit omnibus; & quando preceptum fidei obliget. IV. An & qua ratione actus fidei sit meritorius, ac necessario bonus. V. An, & qua ratione externa confessio fidei necessaria sit ad salutem; quea in ea re sint obseruanda regula. VI. Qua ratione gratis gratis data se habeant ad fidem; quot item, & quantum sint; & que singularium sit ratio; an etiam sint habitus.

### D U B I U M I.

Quid, & quotuplex sit actus fidei; quid credere, & quotuplex; & quomodo distinguitur credere Deo, credere Deum, & credere in in Deum.

S. Thomas 2. 2. q. 2. a. 1. 2. & q. 3. a. 1.

I. Pleraque præcedenti quæstione disputata de habitu fidei, etiam actibus fidei communia sunt; præsertim quæ de certitudine, & sub-

iecto, tam propinquò, quam remoto fidei, deque præsentia eiusdem notitia docuimus. Præter quæ tam speciales aliae difficultates de actu fidei,

cum

cum S. Thoma hac quæstione à nobis explicanda sunt. Et quod ad præsentem dubitationem attinet..

2 Quæritur primo, quid, & quotuplex sit actus fidei. Respondeo breuiter actum fidei generalissime dici quælibet actum hominis moralē cuiusvis potentia, qui à fide seu habituali, seu actuali procedit. Quomodo generatim loquendo duplíciter fidei actus distingui possunt; alij proprij, alij improprij. Proprij sunt, qui ex suo obiecto seu specifica ratione ita ad fidem pertinent, ut proprie ac per se non sint aliarum virtutum actus. Impropri sunt, qui cum ex obiecto, seu specifica ratione sua sint actus aliarum virtutum, simul tamen ex fide aliquo modo procedunt; qua ratione etiam actus spei, charitatis, aliarumque virtutum dici possunt actus fidei, quatenus à fide, seu ex affectu fidei, à ratione imperantur, iuxta dicta quæst. præced. dub. vltimo de effectibus fidei. In præstero vero non est quæstio de improprijs fidei actibus; sed solum de proprijs.

3 Quales rursus sunt duplices; alij enim sunt interni, qualis est credere; alij sunt externi, ut est confessio seu professio fidei, verbis aut signis externis facta, vt docet S. Thomas q. 2. art. 1. & q. 3. a. 1. Quæ quidem confessio actus fidei dicitur, non quidem immediate & physice elicitus; hic enim actus solus internus est; nec etiam quis modò imperatus, tales enim esse possunt actus omnium virtutum, ut dictū, sed dicitur proprius actus externus fidei, qui per se, & quantum est ex natura sua, solum aut præcipue causatur à fide, à qua etiam proxime regulatur & dirigitur, non mediante alijs habitu: et si non unquam imperatur etiam ab alijs virtutibus; quarū proinde hoc casu actus imperatus dicitur, pura veracitatis, fortitudinis, religionis.

4 Cuius rei hæc ratio est, iuxta S. Thomam eadem quæst. 3. art. 1. quia confessio fidei, ut est externum signum vel oratio significativa veritatis à Deo reuelata (que illius primaria & intrinsecā ratio est) per se ac proxime ordinatur ad ipsum finem fidei; nempe ut tam verbis & opere, quammente fides habeatur primæ veritati, ac proinde auctoritas diuinæ ac summæ veritatis undequeq; inconcussa subsistat. Actus autem externi ad eam virtutem pertinent, ad cuius finem per se ac primario ordinantur, etiam si in alijs potentij existant, quam in quibus sunt virtutū habitus, quorum dicuntur actus. Vti videre est in oratione, quæ proprio dicitur actus religionis; & in actu martyrij, qui dicitur actus fortitudinis; & in actu ieunij, qui actus est proprius temperantiae; licet omnes isti actus sint in potentij diversis ab ijs, in quibus sunt habitus virtutum, quarum dicuntur actus.

5 An autem confessio fidei dicenda sit actus elicitus, an potius imperatus fidei, quæstio est de nomine. Aliqui, vt Vásquez 1. 2. disputat. 83. num. 16. & Bannes hic q. 3. a. 1. vocant eiusmodi actus elicitos, vel saltem cum addito, secundo elicitos, earum virtutum, quibus adscribuntur, conuenienter S. Thomæ infra q. 81. art. 4. ad 2. Alij vero vocant actus per se ac imprimis impera-

tos; de qua re non est litigandum; dummodo utrinque intelligatur quod dicitur.

6 Quæritur secundo, quid & quotuplex sit credere, quem internum fidei actum esse diximus. Respondet S. Thomas hic quæst. 2. a. 1. credere, prout est actus diuinæ fidei, nihil aliud esse, quam cum assensio cogitare. Ita enim existimat definire Augustinum lib. de pædefinitione Sanctorum cap. 2. Vbi simul ad eandem definitiōnem tuendam, multa annotat S. Thomas, ac speciatim istud, cogitare accipit pro intellectus consideratione, cum aliquainquisitione, & voluntatis consensu; ad firmum assensum determinantis.

Sed non est, cur in eo multum laboremus, ut hanc propriam actus fidei definitionem esse tecumur, quando reuera nec ea videtur mens fuisse, Augustini, ut recte notauit Vásquez 1. 2. disput. 209. n. 20. nec id verba pæferunt: cum ea potius sit, generalissima quædam notio cuiuslibet assensus, circa quamvis materiam, siue hic assensus sit evidens, siue inevidens, siue certus, siue probabilis; & siue pro ratione assentiendi habeat auctoritatem dicentis, siue rationem. Quomodo etiam in scriptura subinde usurpari videtur, ut cum Iacobi 2. vers. 19. dicitur: *Et dæmones credunt, & contremiscunt, nempe de quo immediate antea fuerat sermo, quoniam unus est Deus*, de quo utiq; dæmones evidentem assensum habent. Et sæpe vulgo dicere solemus, aliquid à nobis credi, etiam si res illa ratione, non auctoritate nitatur.

7 Quare omissa ea siue definitione, siue notio ne ipsius *Credere*, breuiter dicendum est, Credere generatim & proprie, prout est actus fidei habitus distincti ab alijs habitibus, pæsertim scientiae & opinionis, nihil aliud esse quam assentiri ob auctoritatem seu testificationem dicentis, ut dictum est q. 1. dub. 1.

8 Quo sensu credere aliud spectat ad fidem humanam, seu naturalem, utpote nixum auctoritate humana, seu naturali alicuius creaturæ, in quo unq; demum obiecto versetur: aliud spectat ad fidem diuinam & supernaturalem. Quo modo credere rursus aut nimirum evidenter ipsius DEI supernaturaliter testantis, aut reuelatione seu testificatione DEI obscura: prior ad prophetiam pertinet, ut dicetur dub. vltimo, posterior fidei diuinæ propria est, & ad hunc locum pertinet: quo sensu credere, prout est actus elicitus diuinæ fidei, nihil aliud est, quam firmus assensus intellectus diuinæ reuelatione obscura nixus ex quæstione 1. dub. 3. Atque hunc ipsum etiam esse iustificantis fidei actum à fiducia voluntatis diuersum, contra Nouatores ostendimus quæst. pæced. dub. 1.

9 Quæritur tertio, an & quomodo distinguantur actus fidei per hoc, quod est, credere Deo, credere Deum, & credere in Deum. Respondetur, haec sane aliquo modo inter se distingui, vt omnes Theologi docent, ex Augustino serm. 181. de tempore & serm. 61. de verbis Dñi, & tract. 21. in Ioannem. Ex quo Magister in 3. dist. 23. ita eam distinctionem declarat. *Aliud est*, inquit,

credere in Deum, aliud credere Deo, aliud credere Deum. Credere Deo, est credere vera esse qua loquitur; quod & mali faciunt: & nos credimus homini, sed non in hominem. Credere Deum, est credere quod ipse sit Deus, quod etiam mali faciunt. Credere in Deum est credendo amare, credendo in eum ire, credendo ei adhaerere, & eius membris incorporari. Eadem distinctionem cum Magistro generatim tradunt, & sequuntur cæteri Scholastici in 3. distinctione 23.

10 Quam etiam S. Thomas hic quæst. 2. art. 2. ita explicat. Nam quia credere ad intellectum pertinet, prout à voluntate mouetur, hinc sit, ut ratione vtriusq; potentia coniunctim triplicem habititudinem sortiatur ad suum obiectum, seu terminum; duas quidem præcise, ut est actus intellectus, nempe habitudinem ad obiectum materiale primarium, qua significatur, per illa verba, *Credere Deum*; secundam ad obiectum formale *Quo*, qua significatur verbis illis, *Credere Deo*. Tertiam vero, ut est actus à voluntate imperatus, & aliquo modo relatus in Deum velut ultimum finem; qua significatur, per credere in Deum.

11 Circa quam distinctionem notandum primo, eam non ita intelligendam esse, quasi sit dinis actuum fidei re ipsa diuersorum, ut cum Sancto Thoma ibidem art. 1. ad 2. docent omnes, quia credere Deum, semper inuoluit etiam credere Deo; et si non contra. Credere quoque in Deum semper inuoluit credere Deum, & Deo, ut recte notauit Arragonius hic codem a. 2. & magis patet ex sequentibus: sed quia sane est quedam rationis distinctio, per quam seu plures, seu unus atque idem actus fidei, secundum diuersas habituidines ad varium obiectum seu terminum, recte distinguitur, ut dictum.

12 Notandum secundo, *Credere in Deum*, cum directe & formaliter sit actus elicitus ab intellectu, & imperatus à voluntate, esse quidem vnum actum intrinsece ac in recto, significare tamen plures actus; ita quidem ut per se ac primario dicatur ipsum assensum fidei, simul tamen etiam connotet actum voluntatis, quo ipse assensus fidei in Deum velut ultimum finem aliquo modo referatur: Sicut quiuis alias actus ab una potentia elicitus, & ab alia imperatus, absolute unus actus est, sed plures significat.

13 Quo sensu etiam dixit Caietanus eadem quæstione 2. articulo 2. eiusmodi actum propriæ non esse nullum (hoc est, plures) sed multiplicem. Nec quoad hoc dissentire videtur Durandus in 3. distinctione 37. quæstione 7. numero 6. licet incontrarium relatus à Caietano & Arragonio hic articulo 2. sed in eo potius deceptus videtur. Durandus, quod ibidem indicat, *Credere in Deum* supponere quidem actum fidei, tamen formaliter ac in recto esse actum charitatis, seu voluntatis referentis actum fidei in Deum: quod est contra vim verborum, Sanctum Thomam, & communem cæterorum Doctorum sententiam, ut recte adiurit Gregorius de Valentia hic q. 2. punct. 1.

14 Notandum tertio, cum inter omnes quidem

constet, per *Credere in Deum*, inuolui & significari aliquem actum voluntatis, quo assensus fidei referatur ad Deum, velut ultimum finem; duo tamen esse dubia, quæ explicatione indigent. Primum est, an ad hoc, ut aliquis dicatur credere in Deum, determinate requiratur actus charitatis, referens fidei actum ad Deum; an potius sufficiat imperfectior quidam motus voluntatis, puta spei, seu etiam ipsius habitus voluntatis, fidei respondentis, quo intellectus inclinatur & determinatur, ad assentiendum diuine revelationi. Secundum dubium est, an *credere in aliquem*, semper inuoluit relationem ad finem ultimum; ita ut nunquam dici recte possit de homine seu alia creatura.

15 Ad primam dubitationem respondeo breuiter, totam quæstionem esse de nomine; in rigore tamen verborum sufficere actum voluntatis charitatis inferiorem. Quod ita declaro. Etenim, determinate requiri actum charitatis, docet Augustinus locis cit. quem ita etiam sequitur Sanctus Thomas hic quæstione 2. articulo 2. & quæstione 1. articulo 9. ad 3. item Magister, & alij Scholastici in 3. distinctione 23. qui etiam propter ea dicunt, non omnem credentem Deo credere in Deum; idemque modus loquendi passim etiam celebratur à Concionatoribus & Catechistis.

Posteriori autem modo (scilicet actum charitatis determinate non requiri) loquuntur idem Augustinus lib. de fide & operibus c. 14. & vlt. Chrysostomus homil. 30. & 52. in Matthæum, Bernardus serm. 24. in Cantica, quando dicunt, omnes fideles, etiam peccatores, in Deum credere. Imo ita expresse loquitur etiam ipsa Scriptura Ioannis 12. v. 42. Verum tamen & ex Principiis multi cederunt in eum; sed propter Phariseos non confitebantur, ut & Synagoga non ejacerentur. Dixerunt enim gloriam hominum magis, quam gloriam Dei. In quem locum etiam Caietanus notauit, illum quoque in Deum credere, qui credit colloquando in Deo omnem suam spem & fiduciam, ut etiam peccatores facere possunt.

16 Idem colligitur ex Concilio Chalcedonensi act. 16. & confirmatur vsu quotidiano fidelium, ac totius Ecclesiæ. Omnes enim, etiam peccatores, quotidie dicunt & profitentur in Symbolo, *Credo in Deum*; idque non solum in persona Ecclesiæ, sed etiam propria, cuius vtique nomine singuli professionem fidei faciunt. Quare etiam à Scriptura & Patribus aliene non loquuntur, qui dicunt, eo loquendo modo generatum significari rationem formalem credendi, prout mediante voluntatis motione ei se quis libere subiicit; ac proinde omni actu fidei aliquo modo in Deum credi: et si pfecte hoc nō fiat, sine actu charitatis.

17 Ad secundam dubitationem responderetur, per voculam *In aliquem credere*, ordinarie quidem, sed non semper ac necessario significari relationem ad ultimum finem, quicquid dixerit Magister loco citato: siquidē in symbolo Apostolorū, iuxta probabilem pluriū SS. Parrum lectionem, habetur *Credo in S. Ecclesiā*: vbi speciatim Hieronymus contra Luciferianos & in epistolam ad

Philemon

Philemonem & Chrysostomus homil. 6. de symbolo notant particulam in, iunctam cum particula Credere, non semper significare formalem ac supremam rationem credendi, quæ est Deus, sed aliquando unum ex credendis, vel etiam auctoritatem proponentem fidem.

18 Quo modo etiam Exodi 14.v. 31. in texto hebreico legitur Crediderunt in Deum, & in seruum eius Moysen ut etiam diximus q. 1.dub. 8. Nihilominus quia hic modus loquendi minus visatus est, vbi de fide supernaturali agitur, non passim & sine circumspectione usurpandus videtur. Ex quibus tanto magis etiam refellunt huius temporis Sectarij, cum aiunt; actum fidei iustificantis in scriptura solum significari per verba illa. Credere in Deum; de qua re egimus superius q. 6. dub. 2.

## DVBIUM II.

*Quæ, & quotuplex sit necessitas  
actus fidei; speciatim an, &  
quid, siue ex obiectis naturali-  
bus, siue supernaturalibus, ne-  
cessitate mediū necessario cre-  
dendum sit omnibus.*

S. Thomas 2.2. q. 2. a. 3. 4. 5. 6. 7. 8.

19 Idei actum aliquo modo ad salutem necessaria esse, indubitatum est; & constat ex innumeris scripturarum locis, quorum nonnulli inferius referuntur: sed quæ, & qualis, & cuiusnam fidei, & de quo obiecto, sit ea, respectu cuiusvis status humanae vita, necessitas; id cum multifariam controvsersum sit, hac & sequenti dubitatione paulo uberioris explicandum est.

20 Vbi supponendum est primo, eorum, quæ ad salutem hominis conducunt & necessaria sunt, siue sint actus humani, siue alia media, ad salutem hominis, seu primam, in iustificatione positam; seu ultimam, nempe ipsam beatitudinem, diuinitus ordinata & prescripta, duplum distingui necessitatem. Alia enim vocatur necessitas medi, alia necessitas precepti. Necessitate medi ad salutem necessaria dicuntur illa, sine quibus iuxta legem Dei ordinariam, nullo modo salus acquiri potest, etiam si quis inuincibiliter ea ignoret, illisue inculpabiliter careat.

Necessitate autem precepti ea necessaria dicuntur, quæ ex vi quidem diuini precepti necessari facienda aut procuranda sunt, cum facultas suppetit; non ita tamen quin etiam secundum legem D & i ordinariam, absque eis saluari possint illi, qui citra culpam, nempe ob impotentiam vel ignorantiam inculpabilem, ea prætermittunt; saltem quantum est ex necessitate precepti, siquidem ea necessitas solum ex precepto oritur, à cuius violatione in omni ma-

teria impotentia vel ignorantia inculpabilis excusat. Necesitas mediū adstringit etiam usum rationis carentes, puta infantes, amentes; necessitas precepti non item.

Et vero sunt nonnulla, quæ utraque necessitate ad salutem necessaria sunt, ut v.g. votum baptisimi, vel poenitentia Sacramenti; item poenitentia formalis aut virtualis in adultis peccatoribus, &c. quædam sola necessitate precepti necessaria sunt, ut actus eleemosynæ, temperantiae, & alia pleraque precepta: quedam sola necessitate mediū ut gratia Dei præueniens, & quoad salutis ultima consecrationem etiam prædestinatio, &c.

Supponendum secundo, aliam esse fidem explicitam, aliam implicitam; seu quod idem est, aliud credere explicite, aliud implicite: quæ distinctione sumitur ex Augustino lib. 19. contra Faustum cap. 14. & Gregorio lib. 2. Moralium c. 25. & traditur à Magistro, & alijs Doctoribus in 3. dist. 25. quidquid improbe ac imperite eam reprehendat Calvinus lib. 3. Instit. c. 2. sect. 2. Dicitur vero explicite credi illa veritas, quæ in se ipsa formaliter & expresse creditur, quæque adeo per se immediate terminat actum fidei. Implicite vero illud, quod solum creditur in alia quadam veritate, in cuius fide etiam illius fides virtute aliquo modo continetur.

Quod quidem dupliciter accidit; primo, quando illa ipsa veritas, quæ implicite credi dicitur, in altera virtute cōtinetur, nempe ut conclusio particularis in vniuersali, quo modo credens Deum Creatorem totius vniuersi, credit etiam Creatore cœli, terra, Angelorum, hominum, &c. Secundo quando saltem fides illius in fide huius secundum animi præparationem aliquo modo continetur, ita ut qui vnu credit, ex vi ipsius actus fidei & praesentis dispositionis animi, sit paratus etiam alterū credere. Quia ratione in quovis actu fidei implicite ac virtute quodammodo continetur fides omnium, quæ Deus reuelauit: quia omnis credens aliquid propter diuinam reuelationem, non solū vniuersum credit, Dei reuelationem esse infallibilem, sed simul etiam credit, eam re ipsa circa hoc vel illud obiectum accidisse, inductus communibus quibusdam fidei motiuis, quæ re ipsa ceteris etiam obiectis credendis conueniunt, quo sit, ut is hoc ipso paratus sit etiam credere cuius reuelationi seu veritati reuelata, si pariter sub iisdem motiuis proponatur.

Ex quibus colligitur, fidem implicitam non ideo tamē dici, quod proprie ac formaliter nulla sit vera fides, quodque explicite circa nullū prorsus fidei obiectum versetur, ut Sectarij nostri temporis sibi imaginantur, sed quia implicite quidem solum ad certum quoddam obiectum terminatur, cum tamen interim nunquam aliquid implicite credi dicatur, nisi per verum actum fidei supernaturalis, ut recte notarunt Gregorius de Valentia hic q. 2. punct. 3. & Bannes q. 2. a. 8. et si Gabriel in 3. dist. 25. ipsam quoque habitualem fidem seu habitum fidei vocet fidem implicitam, respectu veritatum, ad quarum assensum inclinat. Sed quæ acceptio impropria est, & ad hunc locum non pertinet.